

欽定剿平三省邪匪方略

欽定剿平三省邪匪方略正編卷一百五十三

庚申年

二月十九日

壬寅

魁倫奏言查賊自蓬溪接仗後

因_臣帶兵赴太和鎮一帶防守不能偷渡潼河

折回在鹽亭南部西充三縣交界地方滋擾初

五六日接據鹽亭縣稟報賊匪有窺伺縣城之

勢當卽派撥官兵五百餘員名前往救援防守

賊匪卽退去六七十里

臣

復慮其詭計多端或

繞道窺伺河干逐日派撥官兵一千數百餘員
名於沿河一帶數十里內分路搜查昨探得賊
匪現在光木山地方距鹽亭南部八九十里及
百餘里不等該處北通保寧西通劍州梓潼綿
州一帶該處爲進省大道亦係赴龍安府之路
臣雖先經派兵五百餘名赴綿州之金山驛一
帶防堵但路逕叢雜恐兵力尙單連夜加派官

兵一千餘名委副將托雲泰遊擊李光晟帶領
前往與前派之遊擊楊國林協同防守其沿河
淺灘處所先經臣親過察看卽派撥兵丁分防

要卡並隨營之道員劉清募集鄉團壯勇逐段
布置以便騰出兵力另聽調遣現據該地方官

稟報一時召募未能如數祇可陸續僱集隨到
若干卽將前派之兵撤回若干現在情形臣若

卽帶兵追剿而前無所堵不特尾追徒勞兵力
且恐其抄路搶渡趨省是以且派游兵逐日更
番出哨牽綴賊勢賊匪不測官兵所向亦只在
鹽亭南部等境未致蔓延本日接七十五來信
已於初三日帶兵行抵雲陽前進近因腿上傷
發甚重輿亦不能坐現在乘船由水路趕赴
重慶一帶前來將所帶之兵交總兵李紹祖統

帶山陸路趨行並聲明於接到臣峇後復接准

倭什布咨文令其統兵赴楚協剿因川省賊匪

已渡嘉陵江事勢緊要不致拘泥已將實在不

能兼顧情形具覆等語計奉月二十前後李紹

祖所帶之兵可抵順慶彼時有此一路官兵自

東而西臣亦派撥官兵自南而北兩路夾擊若

得德楞泰一路大兵迅速到來更可併力剿除

此時自當恪遵

奉訓廣募鄉勇奮力截擊斷不敢稍存惜費之見但刻下自陝入川棧道尙有梗阻餉銀均未解到昨接松筠咨業將兩淮所解川餉五十餘萬全數截留現當需用浩繁萬分急切之際川省存儲無幾惟日盼棧道疏通餉銀迅速解到方

可濟急奏入

上命軍機大臣傳諭魁倫曰魁倫自賊匪渡江以後
毫無調度束手無策惟知每日發六百里加緊之
報朕意魁倫或得有勝仗及加披閱不過尋常覆
奏事件概用急遞不獨駭人聽聞亦且徒勞驛站
該督何不曉事若此魁倫著傳旨申飭現在該處
竄匪奔突自應多團鄉勇以資堵剿乃地方官輒
以一時召募未能如數只可陸續雇募等情藉詞

塘塞川西一帶正當剿捕緊要之時而地方官加
此疲玩可惡已極魁倫自應將玩誤尤甚之員嚴
行懲治或一面革去頂戴一面據實叅奏方足以
昭炯戒至七十五現已傷發甚重卽到川西恐亦
不能得力七十五竟可無庸前赴魁倫軍營著卽
留於重慶府城幫同知府石韞玉實力守禦總兵
李紹祖現已帶兵自大寧起程取道順慶迎擊

亭南部等處竄匪魁倫惟當於潼川一帶分飭官弁認真防堵勿使賊匪竄過潼河以致完善之區遭其蹂躪一俟李紹祖由順慶趕到即可兩路夾擊實力兜圍以期迅掃賊氛方可稍贖罪譴

同日倭什布奏言臣趕回竹山後添集鄉勇同

原防兵丁二百餘名守護城垣並將被難民人妥爲安撫近縣一帶始形寧帖隨探知賊人已

抵田家壩聞有官兵回駐縣城卽改向東竄

臣

親帶官兵不滿三百名當調都司劉應世等帶
兵亦改赴竹山督同截擊并現募鄉勇六百名
協助初四日賊果突近該處經兵勇迎前遏剿
匪衆抗拒甚力兵勇奮進斃賊三十餘人賊始
退竄追殺二十餘里又斃賊十餘人維時所調
副將樊雄楚等官以山路較遠尙未能來東

面攔截初五日夜該匪由漳洛河仍走前起賊
人入房縣路徑復分股從梯子岩折近竹山之
火扒溝離城四十餘里初六日午刻聞報臣親
率都司劉應世等迎擊該匪並不接仗折向東
南前竄是夜紮營長嶺塘賊匪攻撲兩次經鎗
礮轟擊方退入獅子岩東走初七日賊人頭隊
已突近房縣西關經知縣鍾應焜率勇擊敗臣

恐其借勢北走尾隨前起樊人傑等股會合則
孫清元一路更難兜剿當由陳家舖迤北而東
探知匪衆游奕不定初八九等日在黃龍堰軍
馬舖等處隨剿隨進沿途共殺賊五十餘人該
匪無路奔突竄入南山內銀杏坪三座菴一帶
藏匿據節次擒獲之馮走崗等七犯皆供此股
爲首者係羅姓不知名字因無官兵跟剿從川

省入平利來楚要趕止樊人傑等同走連日被官兵截殺裹脅之人乘勢陸續逃散現在男婦不及二千人祇可逃入山裏等供訊係從賊日久均卽正法察看賊情甚形窘迫孫清元一路因樊逆等北入鄖境東走二十九日在羅家川接仗殺賊五十餘人守備王占鰲奪獲大礮一尊該匪從孫家灣草店繞至均州境內分股亂

竄該處漸近江岸船隻早飭提禁鄉勇俱已添
集初三四等日復經官兵多方抄擊初六日在
穀城石花街地方兜截過賊東竄要路該匪情
急捨死衝撲經該鎮及叅將吉林泰曹星海麟
全祿等竭力抵敵施放連環鎗礮擊斃馬賊十
餘人兵勇一齊擁進短兵相接共殺賊一百二
三十人該匪折向南遁初七八等日乘勝由大

小觀音堂房縣北界地方進剿共斃敗五十餘人初九日該匪窮奔房屬之柳場舖珠藏洞一帶山內官兵於初十日冒雨逼擊在蔣口地方又殺賊三十餘人生擒羅得祿朱仁海華家英等三名訊係正賊當卽正法賊衆已向南山內逃避該鎮將現已分投兜剿查此路官兵連得勝仗賊人定不敢復出山向北肆擾惟前後兩

起賊人均入房縣南山勢將合駭且山徑東通
保康恐其併力闖入前次籌慮及此是以飛咨
七十五由興山保康東路兜來今接覆咨以川
匪越過嘉陵江已准魁倫飛調前往協剿不能
抵楚等因現在臣已飛飭防守巴東之總兵王

凱令其察探賊蹤相機攔擊而副將樊雄楚等

亦於十一日趕抵臣營添此兵力剿辦羅逆一

股自更得力刻下兩路設法抄進均須截斷該
匪東竄路徑倘前後兩起賊人已於山內合夥
則當併力合剿犄角兜圍緊躡追襲卽不能於
楚境殄滅亦必趕緊逼令仍回川境奏入

上命軍機大臣傳諭松筠倭什布明亮曰房縣竄匪
及樊人傑等一股均經官兵截擊先後逼入房縣
南山正應乘其窮竄之時扼要堵截悉力奮擊以

期速就殲除斷不可又任竄出南山或擾及保康
等處搜捕致稽時日至倭什布奏稱現在設法抄
進卽不能於楚境殄滅亦必趕緊逼令仍回川境
此則不可川東川北一帶此時兵力正單倭什布
旣連獲勝仗自當卽在楚境將賊匪悉行撲滅豈
可令其乘間奔逃復又竄回川省現因倭什布堵
剿賊匪著有微勞已降旨加恩補授湖北巡撫倭

什布惟當倍加感奮上緊剿辦不得以驅逼出境
卽爲了事此時倭什布所帶兵勇無多尙能打仗
得勝卽日弘豐王凱之兵到後聲勢更爲壯盛而
松筠明亮自己前後抵楚尤當協同籌酌併力合
擊迅速蒞事看來楚省竄匪現已逼入山中不難
剿淨松筠到後應察看情形如楚省現有兵力足
敷堵剿可無需湖南官兵協助卽告知姜晟令其

停止以免徒勞跋涉至松筠等於諸處竄匪剿淨
後惟應酌留兵勇在彼防守其所帶荊州滿兵卽
回駐荊州王凱之兵亦可令其仍回原伍萬一賊
匪又由楚竄回川境松筠倭什布王凱孫清元當
仍留楚實力防堵不必遠追著明亮卽酌帶弁兵
躡蹤追剿俟賊匪剿淨明亮再行輕騎減從前赴
川西一帶會同剿辦該處賊匪自更可期得力也

上諭內閣曰倭什布前在湖廣總督任內防堵疎懈致川陝竄匪闖入楚境是以將伊革職示懲近日倭什布在楚督率兵勇分投堵剿並將竄匪逼入房縣南山尙有微勞且念其平日官聲尙好於楚省情形亦較熟悉雖前此疎防貽誤咎有難辭但賊匪奔竄無定卽如陝甘督撫亦被川省賊匪闖入境內並未將伊等治罪自難專責倭什布一人

倭什布著加恩補授湖北巡撫以觀後效不必給
子頂戴仍帶革職留任俟八年無過方准開復並
俟川陝各路軍務全行告竣再行來京陛見高杞
著來京另候簡用

二十日

癸卯

台布奏言

臣

行抵鎮安與總兵劉之

仁會合多爾濟扎普亦適回營探知賊匪在沙
溝一帶游奕屯聚常與該鎮等密議仍當裹帶

乾糧躡至相近處所出其不意前往剿殺賊匪
總以難民前行婦孩在後竟須分兵埋伏衝其
中堅正在製備乾糧擬令該鎮等分路掩襲適
奉

諭旨令

臣

前赴漢中伏思糧餉軍需至要自應卽往

實力籌備且恐各逆被剿情急難保其不又折
回防禦尤爲緊要查南山竄匪本欲遁歸楚豫

向來兩省門戶防守已嚴指日副都統國霖來
陝駐守商雜藩籬益固額勒亨額柯藩各有分
防地面未便檄調抽撥劉之仁久歷戎行多爾
濟扎普新蒙

恩擢正圖報効均足倚恃

臣

卽日改道遄程諄囑兩

鎮和衷妥辦此股川匪幾及萬人特以道路未
熟不敢分股首逆尤極狡猾但於野無餘糧之

地爲七八千人日謀一飽力有不能旣不能竄
出楚豫必仍折回川省此去再接一仗賊匪若
果向川畢竟先清一路騰出兵力棧道漢江處
處需用亦是一法該鎮等均深以爲是惟兵丁
從前多有配搭不勻彼此抱怨始則各不相下
繼遂各不相顧臣與尙書那彥成分營時征兵
共四千四百餘名除派富成帶兵三百名駐守

五郎岱森保與愛星阿帶去馬步一千二百名
外現在多爾濟扎普原帶一千二百名應仍令

管帶劉之仁前領打仗奮勇兵一千一百名本

在臣營挑選所有臣營各兵九百餘名併歸劉

之仁管帶並派縣丞馮國璋羅應庚分管兩鎮
糧務嚴飭五郎鎮安倅令照舊安速供支不可

因臣已離營稍有懈怠至國霖來陝尙有愛星

阿原帶兵勇一千餘名將來回營時應令隨同

國霖防守商雒臣於分撥停妥卽行前進不帶

一兵惟叅將海洪阿遊擊劉滿貴原帶鄉勇七

百餘名協領富盛阿原帶獵戶留與該鎮等未

能得力臣仍帶往漢中該處尙有防堵事宜卽

可調遣至該鎮等此後在山內打仗情形若由

臣處繕摺路途寫遠未免稽遲應由該鎮等自

行陳奏報明_臣處查核至_臣原帶官兵關支鹽

糧等項日期先後均有參差有已關至二月底
止者茲接經畧行知新定軍需條款若逐名扣
算轉有周折應請以三月初一日爲始無論兵
丁鄉勇概照新例關支以昭畫一奏入

上命軍機大臣傳諭台布曰陝境竄匪現在沙溝一
帶游奕台布稱專交劉之仁冬兩濟扎普剿辦並

令國霖駐劄商雒以資防守劉之仁多爾濟扎普
二人朕素未認識其是否奮勇足當一面不能深
信現在陝省糧餉固關緊要而剿賊之事尤爲重
大台布雖赴漢中必須隨時察探若劉之仁多爾
濟扎普所辦未合機宜難以倚恃台布仍當親赴
軍營認真督辦不可稍有大意試思魁倫久任督
撫將軍其識見較劉之仁等自有過之不過數日

畧覺疎懈尙有川北賊匪偷渡之事現今正在籌
剿迄無把握而全陝之賊專交伊二人剿辦朕甚
不放心此舉又覺輕率矣至所稱賊匪總以難民
前行婦孩在後須分兵埋伏衝其中堅等語切中
窾要朕早經降旨通諭各路領兵大員以賊匪狡
詐百出凡遇官兵迎截先令裹脅難民乃老弱在
前精銳在後我兵總當專注賊匪精銳及馬隊之

誠奮力衝擊方可得手今台布所論正與朕意相
合深爲嘉悅但言之非艱行之維艱該撫既知官
兵必須搢賊中堅於事有濟卽當依計而行不可
虛托空言已另諭劉之仁多爾濟扎普等實力邊
辦台布亦當留心察核至稱賊匪不能竄出楚豫
必仍折回川省此則不可川東川北一帶此時兵
力正單豈可令其復行竄回況昨據台布奏分竄

鎮安賊匪號五家營係各股餘黨雜湊男婦大小約七八千人可見竄匪皆屬零星湊集勢已殘敗正當趁此機會卽在夾境將賊匪速行剿淨方可肅清一處倘再任其東奔西竄則裹脅日多勢必又成大股卽如齊王氏久已殲斃高均德亦經正法而至今賊隊中尙有齊家營高家營名目此卽根株未盡之故台布此時惟有催令劉之仁冬爾

濟扎普務於鎮安一帶將賊匪悉力剿滅不可再
令他竄卽因路徑紛歧或有剿敗餘匪折回川境
劉之仁多爾濟扎普並非陝省總兵竟畧隨賊所
向奮勇直前入川追擊以期盡滅乃止再柯藩額
勒亨額現在何處分防何以未便檄調若云伊二
人係防守漢江勦前次石梁地方被賊偷渡伊二
人卽有疎防之咎前已有旨交查何未據台布叅

奏現在漢江一帶尙無賊匪窺伺伊二人若僅帶
領兵勇在江岸株守豈不又成川省安坐之阿迪
斯七十五乎著台布據實查明具奏倘防江尙不
甚緊要亦應於柯藩額勒亨額二人內酌量做出
帶兵剿賊勿令閒住虛糜糧餉又王文雄患病是
否痊愈未據台布奏及如該提督病體已愈亦可
令其帶兵剿賊伊在賊已入熟悉路徑且打仗尙

屬奮勉自必較劉之仁多爾濟扎普二人更爲得力再前次添調晉兵在蒲州駐劄聽候陝省調撥一節台布祇當存之於心如必須此項兵丁咨調時斷不可令劉之仁多爾濟扎普聞知恐伊二人不察賊勢虛實輒思添調官兵徒多無益至所奏請照新定軍需條款將官兵應支鹽糧以三月初一日爲起著卽照此辦理以歸畫一

上又命軍機大臣傳諭國霖多爾濟扎普劉之仁曰
台布現赴漢中令多爾濟扎普等將沙溝一帶賊
匪奮力剿擊並令國霖駐守商雒商雒地方向爲
賊匪往來之所自應酌派大員在彼駐劄著國霖
卽在商雒一帶駐劄固守至多爾濟扎普劉之仁
帶兵打仗自應將陝境各股竄匪卽在本省地方
上緊殲除淨盡不可僅將賊匪驅出境外致零星

雜湊之賊到處狂奔裹脅多人復成一股賊匪辦
理又須費手倘賊匪經官兵痛剿之後仍復折回
川境多爾濟扎普係高廉鎮總兵劉之仁係巴里
坤總兵均非陝省守土之官不可逗遛卽當帶兵
前赴川省跟蹤進剿盡絕根株至國霖多爾濟扎
普劉之仁俱係帶兵大員嗣後遇有打仗提音應
卽一面奏聞一面知會台布該撫駐劄漢中得信

較遲若俟國霖等知會到日台布再行具奏轉致
有稽時日也

同日

上命軍機大臣傳諭勒保曰尙書劉權之代四川舉
人朱從陳遞條奏川省情形朕加披閱如所奏欲
平賊匪必須保全蜀地欲保蜀地尤在保全川西
川南其守禦之道尤以團練鄉勇嚴防潼江爲重

年來川東川北夫米等項皆恃西南協濟今賊渡
嘉陵江順慶所屬已被滋擾若賊再窺潼江則潼
江以內素未被賊之西南各處豈能接濟東北各
等語所見甚是又據稱各省州縣中爲衆論所與
者如劉清尹英圖等朕亦知其素得民心而川省
劣員如戴如煌等平日任意貪虐以致激成事端
亦朕所深知其他不能盡悉總由該省大吏怠玩

廢弛全不以地方爲事於屬員賢否置之不問而
魁倫接辦軍務後又不能妥爲佈置扼要堵禦致
任賊匪搶渡嘉陵江擾及川西完善地方其罪甚
重現在魁倫雖在潼江帶兵截剿卽能將竄匪堵
住不致蔓延亦僅可畧減其罪斷無令其仍任川
督之理勒保前任經畧惟知株守達州但聽各股
賊匪輾轉奔竄是以將伊革職治罪而辦理地方

事務尙無大過較之魁倫縱賊殃民之罪更相懸
絕勒保著加恩賞給三品頂戴辦理四川總督事
務仍帶革職留任俟八年無過方准開復此時魁
倫在潼川防守江岸如能將賊匪截殺不使越渡
潼江肆行竄擾尙可稍贖前愆倘仍前遷延貽誤
致賊匪竄過潼江則斷難寬貸此實魁倫生死所
關且看其造化如何耳至勒保業經棄瑕錄用仍

昇四川總督重任專辦本省地方事務非經畧之
總辦軍務者比但於川省賊匪必須通盤籌畫上
緊剿辦不可又如前在達州時之株守貽誤復蹈
重譴前因魁倫兵力有限曾經降旨令將賊匪或
仍逼回川北今據朱碗稱蓬溪一帶南阻潼江北
阻嘉陵江賊匪屯集之處係屬絕地若將賊匪誘
近合州地界而以三軍扼住蓬溪定遠遂寧之門

則三面阻水可以全股擒獲等語於該處地里險
要情形頗爲明切未必非目前一好機會計勒保
到彼時所調黔土各兵自己早到聲勢壯盛勒保
務須察看形勢留心妥辦督飭弁兵在兩處江岸
之中實力防堵以期蹙之死地於潼川之東嘉陵
江之西將賊匪悉力奮擊一鼓殲除方爲不負任
使其朱婉所稱平日官聲素著之各州縣已用硃

筆圈出並著勒保酌量奏請調赴軍營俾其分投
効用自更可資得力其川省貪劣各員亦著查明
據實嚴叅治罪所有朱俛條奏並著發交勒保閱
看

二十一日乙巳松筠奏言查竄人甘省之賊經那

彥成德楞泰等在龍山鎮陳家河等處連獲勝
仗軍威大振其高家營戴家營張家營等股亦

自岷州折回西和禮縣等處額勒登保等分路
向西南截擊慶成亦自鞏昌帶兵追剿賊匪勢
必仍從成縣徽縣畧陽原路竄回川北王文雄
之兵現駐沔縣相機截剿以遏東奔之路其由
川竄近紫陽之賊經額勒亨額柯藩帶領兵勇
追擊於馬鬃嶺鎗斃及落崖者甚多該匪由扎
溪張家梁竄入安康苟文明鮮大川又自川境

竄來與之會合分出肆擾慶溥溫承惠分帶兵
勇趕至磚坪分東西路截剿札商柯藩由洞河
一帶西面橫擊總期自北而南痛加殲除至糧
餉事宜兩淮解川餉銀三起共五十萬五千餘
兩臣前奏明截留兩起應用嗣因額勒登保那
彥成德楞泰恒瑞等大兵全數入甘不敷支發
又將末起截留分撥各營帶入甘省共二十三

萬餘兩長麟尙未接

臣知會又於川陝軍餉內

奏撥銀六十萬兩解甘是甘肅餉銀已足敷用

其浙江解川餉銀六十餘萬兩川省京餉四十

萬兩將次入棧

臣

派索費英阿長春等帶領弁

兵署留壩同知汪銓從九品維昂帶領鄉勇在

棧內逐段防護並派道員王文湧在寶雞鳳縣

一帶文需在褒城沔縣一帶督率地方文武加

意照料以期迅速解川所留陝省京餉五十萬
兩分撥西安漢中兩局經營之司道府等樽節
支發現在漢中別無緊要事件臣已分札王文

雄額勒亨額柯藩慶得溫承惠等分投竭力堵
剿台布不日來至漢中即可督率辦理適接倭
什布來信前股賊匪已至均州屬之尖山堡等
處離鄖陽郡城百餘里而後股由漳洛河入房

縣境內有會合之勢均州穀城一帶已有孫清
允堵截現在親率兵馬趕赴房縣與截不使前
後數股勾結會合查該處地勢臣雖未能深悉

而細核倭什布來信此時機宜似應統至均州
穀城以東迎頭截擊臣要臣即於十六日起程

取道興安沿途迎晤台布將漢南各路防堵及
籌辦糧餉事宜面爲告知其陝甘總督關防一

額封貯漢興道庫俟台布到後酌看道路情形
委員賚送赴甘交長麟接收臣到興安後於慶

溥溫承惠營內酌帶兵勇徑赴郎陽均州會晤
倭什布明亮細加籌酌相機剿辦再前據隨營
之山西靈邱營都司李景稟稱嘉慶二年九月
間賊匪竄至平利縣屬之白土關該員之母王
氏嫂張氏妻楊氏媳黃氏同時罵賊而死姪兒

幼女五名口亦被戕害等語

臣

當飭該府縣確

查屬實查李王氏等以婦女而知大義均能守身不辱殉節捐軀而幼童弱女亦遭慘殺合家同時被難洵堪憫惻可否

俯賜旌卹出自

皇上天恩奏入

上命軍機大臣傳諭松筠曰松筠係朕特由西藏調

赴陝省擢用總督乃自督辦軍務以來竟未見稍
有展布前此川省賊匪竄入陝甘境內松筠不能
預爲防堵以致分竄秦隴等處迄今尙未殄滅本
有應得之罪經朕格外寬宥擢用伊犁將軍並令
暫署湖廣總督赴楚剿賊予以自贖之路松筠務
當倍加感奮迅速剿辦昨據倭什布奏賊匪現已
截回竄入房縣南山勢漸窮蹙今松筠欲繞至均

州穀城以東追截所見甚是倭什布已授巡撫當
與伊及明亮彼此熟商分投擊殺必須在房縣一
帶卽將賊匪殲淨不可再任他竄倘賊匪因被剿
緊急向川陝邊境逃逸卽令明亮緊躡追擊松筠
仍當在楚防禦卽使湖北竄匪剿淨松筠亦不可
遽行來京總候朕旨遵行也

上又命軍機大臣傳諭台布曰松筠此時業已起身

赴楚所有陝省剿賊事宜專交台布一人籌辦其
帶兵大員如多爾濟扎普劉之仁等應如何分路
進擊併力合剿之處台布當悉心籌畫居中調度
現據松筠奏稱苟文明鮮大川兩股賊匪由川東
竄入陝境欲與紫陽一帶賊匪會合肆擾經慶博
溫承惠在磚坪地方兩路截剿并札商柯藩由洞
河一帶橫擊川北賊匪闖入陝境一經陝省堵禦

而川北無兵防守勢必仍行折回現在川西賊勢較爲著重官兵俱已馳赴該處川省東北未免空虛且帶兵大員僅有阿迪斯一人亦不足恃台布務當察看情形不分畛域於川陝交界處所時刻留意其賊之在川北者原不必越境剿辦若竄入陝境則當奮力截剿如鮮苟等股竄匪能於陝省境內盡數殲除固屬甚善若經官兵堵剿賊匪仍

折回川北卽當於陝省帶兵各員內如國霖慶溥
額勒亨額多爾濟扎普劉之仁等酌飭一二員分
帶兵勇跟蹤前進徑赴川北邊界剿辦伊等均係
派往各路打仗之員並非陝省守土之官如王文
雄柯藩二人可比總當併力一心無分彼此上緊
趕辦以期盡絕根株

同日

上諭內閣曰松筠奏嘉慶二年九月間賊匪竄至平
利縣白土關地方有山西靈邱營都司李景之母
王氏嫂張氏妻楊氏媳黃氏並姪兒幼女五名口
同時殉節守義捐軀俱著加恩照例旌表以示嘉
憫

同日廣興奏言查向來運赴達州米石均係於
各州縣存貯穀石內由藩司派碾轉運去冬採

買一百萬石川西川南各處均有存貯倉穀魁
倫一路軍營應需糧米卽札行署藩司先福就
近檄飭各州縣作速預爲碾就俟軍行何處卽
運送供支無虞缺乏至川東地方米石

臣

檢查

萬縣報摺該縣尙有存米一萬二千餘石從前

本會設站轉輸

臣

察看情形川西川南之米如

水路俱不能暢運前來擬仍遵循舊例於分水

嶺等處設站委員經理令其速赴達州接濟俟
西路賊氛稍遠運道無虞卽行裁撤以節糜費
至川西存穀尙多而萬縣之米僅有一萬餘石
合之達州存貯不過二萬餘石若不寬爲預備
誠恐將來緩不濟急且設站轉運亦難尅期通
暢如實在急需接濟現任達州知州劉佳琦去
歲曾經魁倫與臣飭令就近採買雖所買之價

較之穀石未免稍多而加以成都至達運脚合
算尙屬有減無浮應仍令其照舊公平設法寬
爲採買不得稍有擾累並責令該管之川東道
嚴士鉉嚴密稽查倘有吏胥滋事或有短扣勒
折情弊卽行據實揭報嚴叅設或市價較昂並
當卽行停止再行另爲籌辦其軍火一項川西
軍營照例仍令成都運送其川東川北地方需

用者多改由重慶府就近製辦俟大路疏通卽
照舊日章程辦理

廣興又奏言查定例官兵擒捕盜賊止給鹽菜
口糧其馱折夫價以及例馬係專指過站而言
例不准其支領此次帶兵逐日移營剿賊實與
從前攻克一處再攻一處者情節迥不相同若
不給與馱折夫馬其勢斷不能行因格於定例

屢經勒保福寧奏請支給均經部駁臣於上年

十一月來川據魁倫告知業經請示經畧額勒

登保旋准額勒登保覆稱官員滿兵均減半給

子馱折馬乾滿漢兵丁支給長夫四十名每名

價銀八分聽兵自雇實已無可再減囑令魁倫

具奏臣彼時以該督到川已有兩月之久又經

額勒登保定準減半支給實較從前已爲節省

當經會銜奏蒙

恩准乃通行以後各路軍營總未能遵照新例減半
支給參差不齊屢經嚴飭未能畫一復經臣再

行請示經畧據額勒登保咨稱原定章程滿漢
官員例馬並不減半馱折夫價減半給領滿兵
例馬減半馱折夫價全領漢兵給長夫四十名
竟係魁倫未經看明原書自行酌定與經畧現

行章程並無一欸相符已屬難以遵守札商魁
倫或照原奏辦理或再懇

天恩照經畧所定支領該督並未定議日久懸宕現
據達局道府面稟已准該督隨營總理咨文令
通行查追官員全支例馬滿兵全支夫價聲明
現在魁倫一路卽係如此辦理曾否奏明文內
又未聲敘伏思駸折夫價定例卽減半亦不准

支領此乃

皇上逾格天恩始准減半今竟行全領又不奏明魁
倫係本省總督達局道府皆其所屬此時因循
將來如何報銷此項銀兩以一月而計各路卽
需十餘萬兩爲數過多惟有奏請

訓示應否准其多領之處恭候

欽定並懇

勅下該督將因何不行奏明卽通行違例多支之處
據實覆奏不得冀圖含混再查賊匪過河之後
勢甚鴟張前在蓬溪敢於恃衆攻城已屬數年
來所未有今據西充縣稟報賊首生日竟演戲
飲酒作樂更覺不成事體謹將原稟實呈

御覽奏入

上命軍機大臣傳諭廣興曰現在賊匪滋擾川西成

都至達州運道不無阻梗且萬縣及達州存貯之
米不過二萬餘石自應寬爲預備廣興卽飭達州
知州就近採買所辦尙是至所奏支領馱折夫價
魁倫並未奏聞違例多領等語此事業經魁倫奏
明而廣興未知尙復藉詞叅奏意圖傾陷看來廣
興與魁倫積挾私忿見朕於魁倫縱賊渡江僅于
革職留任拔去花翎仍令帶兵剿賊遂以私心窺

測謂朕意存姑息偏護魁倫故爾哢哢置辨必欲
文致其罪以報私怨殊不知魁倫縱賊渡江獲戾
甚重廣興卽不叅劾其罪自在廣興且看朕將來
如何處置毋庸稍叅未議廣興現已交部嚴議當
靜候朕旨亦不許再行竇辨此時應與托津將一
切軍需悉心經理並將途間未經解到餉銀迅速
催解若有心掣肘致有缺乏貽誤軍務惟廣興是

問

上又命軍機大臣傳諭魁倫曰廣興奏接據西充縣稟報賊首徐添德生日各匪演戲飲酒恃後無追剿前無策應官兵遂歡呼暢飲俱皆沉醉賊匪搶渡嘉陵江擾及川西完善地方竟敢演戲飲酒至於沉醉正係極好機會該縣已稟知魁倫自當乘勢進攻爲一鼓殲擒之計否則亦當偵探賊人酣

飲作樂時設計遣人混入賊營誘令解散脅從潛
通信息亦即可攻其不備相機剿殺而魁倫何以
毫無布置漫不加察在聽賊匪屯聚作樂竟不乘
勢進攻況蓬溪一帶西阻潼江東阻嘉陵江賊匪
在此屯聚係屬絕地若將賊匪誘近合州地界官
兵扼住蓬溪定遠遂寧之間使賊三面阻水可將
賊匪全數殲滅魁倫現在潼川之鳳凰山地方駐

禁堵截潼河一帶務須加意嚴防催集所調黔土
各兵及李紹祖所帶官兵迅速趕到卽當察看情
形於兩處江岸趁賊匪自投絕地之時相機奮擊
在潼江之東嘉陵江之西將賊匪悉數殲除庶可
稍贖前罪再川北一帶只有阿迪斯一人而鮮大
川苟文明各股賊匪俱在陝省奔竄設因陝省追
剿緊急仍復折回川北阿迪斯于一切堵禦事宜

實不足恃並着魁倫酌量情形如可稍分兵力卽
撥派鎮將管領赴川北一帶地方以備協剿